

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

Henricus, de Sancto Ignatio

Leodii, 1709

Caput IX. Tametsi non omnis vera libertas, sit libertas à necessitate;
libertas tamen à necessitate, seu electionis, & indifferentiæm necessarià
est ad merendum & demerendum, in statu natruæ lapsæ, ...

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

quidem actus necessarius necessitate rationali in Christo cadit sub præcepto legis naturalis, quæ Christus adstricetus fuit ad Deum in omni actu suo diligendum, quod non facere non potuit.

⁵⁶ Objicies ultimò, de iis non est libertas, nec liberum arbitrium, de quibus non est deliberatio. Sed deliberatio non est de iis ad quæ voluntas ex necessitate movetur, sed solum de iis quæ potest velle & non velle. Ergo.

Respondeo primò deliberationem posse duplíciter accipi: vel stricte, pro ratione ex prævia dubitatione discutiente, & velut ad statu appendente hinc & inde rationes, quæ voluntatem ad volendum movere possunt, vel à volendo removere, ut sit in homine: vel pro ratione, absque prævia dubitatione & consultativa inquisitione, subito acceptante unam partem præ altera pariter acceptabili, ut sit in Angelis. Vel latè, pro quacumque ratione dirigente & regulante judicium, sive Dei, sive Angeli, sive hominis. Quomodo omne voluntarium perfectum in Deo, Angelo & homine dici potest deliberatum; & actus humanus à S. Thoma I. 2. q. 1. ad 1. definitur *actus qui à voluntate deliberata procedit, sive ex deliberatione rationis*, ut ait ad 3. Tametsi ergo libertas non sit, nisi de iis de quibus est deliberatio, vel stricte vel late sumpta; nec libertas electionis, seu indifferentia, sit nisi de iis, de quibus est deliberatio stricte accepta: libertas tamen simplicis volitionis, seu essentia, de iis est, de quibus non est deliberatio stricte, sed latè accepta: cum de iis sit, quæ non judicamus judicio discussionis, vel examinationis, sed naturaliter approbamus, ut docet S. Thomas proximè referendus.

Respondeo secundò, cum eodem S. Doctore in qq. disput. q. 29. de grat. Christi a. 8. ad 1. *Quid deliberatio duo importat, scilicet perceptio-remotivis cum certitudine judicii, de eo de quo fit deliberatio...* Et sic fuit in Christo. Potest etiam dicere *discursus*, sive inquisitionem: & sic importat discursum quandam. Unde non potest esse in instanti. Et tali deliberatione Christus non indigebat, quia non erat ipsi dubitatio de agendis. Talis proinde deliberatio non est de ratione libertatis universim, utpote sine qua libertas fuit in Christo.

C A P U T . I X.

Tametsi non omnis vera libertas, sit libertas à necessitate; libertas tamen à necessitate, seu electionis, & indifferentia, necessaria est ad merendum & demerendum, in statu natura lapsa, nec ad hoc satis est libertas à coactione.

⁵⁷ Est de fide, satisque probatum manet ex di-
ctis num. 52.

C A P U T . X.

*Ad libertatem indifferentia, necessariam ad me-
rendum & demerendum in statu natura lapsa*
Tom. I.

*se, requiritur potestas agendi vel non agen-
di, &c. non tamen componendi non actionem
cum omnibus ad agendum requisitis.*

Nicum quippe fundamentum Authorum ⁵⁸ id requirantium, est fabricata ab ipso defini-
tio libertatis indifferentie: *Causa libera, libe-
tate indifferentia, est quæ positis omnibus ad
agendum requisitis, cum iis tam componere po-
test non actionem, quam actionem.* Verum etsi libertas indifferentiae, quæ à S. Thoma I. p. q.
83. a. 4. definitur *facultas electiva*, sit facultas seu potentia ad agendum, simul & non agendum; ad eamque necesse sit, potentiam ad non agendum illam permanere, etiam sub omnibus prærequisitis ad agendum: ad eam non ideò necessaria est potentia componendi non actionem cum omnibus prærequisitis ad agendum. Stat enim potentiam non agendi illam permanere sub omnibus prærequisitis ad agendum, cum iisque componi; tametsi cum iis non componatur non actio: *Sicut stat præde-
stinatum, sub decreto Dei ipsum prædestinante,
posse damnari, potentiamque istam cum
eo decreto componi, tametsi cum eo non com-
ponatur actualis damnatio ipsius.* Ad facultatem verò electivam, atque ad libetatem indifferentiae, sufficit potentiam ad non agendum illam permanere, simulque stare & componi cum omnibus requisitis ad agendum, tametsi non actio cum iis non componatur: cùm hoc ipso verificetur facultas electiva, quod possumus unum recipere, alio recusare, ut docet S. Thomas loco citato a. 3.

Rejicienda proinde est illa definitio: quia ⁵⁹ nova. Teste namque invicto illo gratia per se efficacis coram SS. Pontificibus Pugile, Thoma de Lemos, in sua Panoplia gratia to.
3. l. 3. tr. 2. c. 3. n. 29. primarii Patroni illius, Molina & Suarez, eam non ex Aristotele, aut doctrinâ ejus, non ex Augustino, & SS. Patribus, non ex Magistro sententiâ, S. Thoma, aut Doctore ex gravioribus, sed ex Almajno in suis Moralibus didicerunt, & ex Holcot in I. q. 3. a. 2. Ante quos nullum ex Antiquioribus proferunt, nec proferre possunt. Nullum certè ipsis antiquorem Molinæ sequaces hactenus exhibere potuerunt, nec verifi-
care, quod suis in Thesibus non semel asseruerunt, quod utique libertatem, illam ipsorum defini-
tione comprehensam, "Aristoteles cum Peripateticis, D. Thomas cum Theologis, S. Augu-
stinus cum Patribus, Traditione cum Scripturis, Pontifices Romani cum Conciliis tradi-
derunt. " Tametsi enim tradiderint libertatem electivam, explicatam & definitam per poten-
tiā agendi & non agendi, vel opposita agen-
di; non magis inde consequens est, Aristotelem cum Peripateticis, D. Thomam cum Theologis, S. Augustinum cum Patribus, &c. tradiisse libertatem electivam, explicatam per potentiam componendi non actionem cum omnibus prærequisitis ad agendum, quam Do-
ctores & Authores omnes Catholicos, etiam